

**Ulama masuk Umno, mesyuarat MT jadi tumpuan
Malaysiakini.com
June 25, 2010**

Mesyuarat Majlis Tertinggi Umno malam ini menjadi tumpuan umum yang ingin mengetahui siapakan di kalangan ulama yang bakal menyertai parti itu.

Mereka ingin mengetahui sama ada kemasukan para ulama seperti yang diuar-uar oleh Umno, benar-benar menjadi kenyataan.

Sehingga ini, pihak Umno sendiri masih berahsia mengenai perkara itu - sama ada pengumuman tersebut akan dibuat sebelum atau selepas mesyuarat tersebut.

Mesyuarat bulanan MT Umno yang akan dipengerusikan oleh presiden parti, Datuk Seri Najib Tun Razak dijadual bermula jam 8 malam.

Sabtu lalu, setiausaha kerja Umno, Datuk Ab Rauf Yusof dilaporkan berkata, bekas mufti Perlis, Dr Mohd Asri Zainul Abidin dan 100 ulama akan menyertai parti itu hari ini.

Namun, bekas mufti Perlis menulis dalam blognya menyatakan yang beliau belum lagi membuat sebarang keputusan mengenainya

Bagaimanakan, ekoran laporan mengenai satu taklimat keselamatan yang mengaitkan beliau dengan Wahabi dan Jemaah Islamiah (JI), Dr Mohd Asri dijangka tidak jadi menyertai Umno buat masa ini.

Beliau yang dihubungi *Malaysiakini* pagi tadi berkata beliau sedang bermesyuarat dan meminta menghubungi kemudian.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/135553>